

歷代正史研究文獻叢刊

（清）段長基撰

二十四史三表
四

北京圖書館出版社

歷代正史研究文獻叢刊

(清) 段長基 撰

二十四史三表 四

北京圖書館出版社

第四冊目錄

歷代疆域表

序		一
總略		五
上卷		
五帝國都地理圖		一三
盤古至唐虞		三七
夏		四〇
殷商		四三
周		四四
秦		八九
西漢		一〇三

中卷

東漢		二九一
後漢		三〇三
晉		三二六
隋		四三五
下卷		
唐		四六一
宋		六〇五
元		七一四
明		七三〇

歷代疆域表序

粵稽史冊百王疆理天下代有不同黃帝畫百里之圖
萬區禹別九州弼成五服至於五千商周因之漢承秦
裂爲郡縣東西九千三百二里南北萬三千三百六十一
里隋東西九千三百里南北萬四千八百十五里唐東西
九千五百十一里南北萬六千九百十八里宋東西六千
四百八十五里南北萬一千六百二十里元起自漠北東
西萬里南北幾二萬里明東西南北俱萬有餘里唐視漢
宋則過之較元明則不及漢猶愈于宋明稍遜于元歷代
之疆域已昭然矣然此特其大略耳若夫增損離合强者

兼弱者削或曰關國百里或曰蹙國百里月異而歲不同
實有不可以里道計者三代以上尙多均齊元明以來亦
少紛更而周之興也尙千八百國旣而七雄兼吞東周僅
存七邑而卒歸于秦漢之興也有十三州部迨至三國分
峙西蜀止有三州而終統于晉晉分十九州地何廣也而
劉淵一倡十六國雲擾卒成六朝之世至隋乃一統焉唐
至十五道規何大也而河朔分擅十國蜂起終攘五季之
篡至宋乃一統焉夫宋之渡于臨安不啻唐之立于靈武
也晉之遷于建康也蜀漢之都于成都也隋之裂于李竇
李密竇建德不啻晉之亂于劉石也蜀之分于魏吳也秦之墮

于陳涉項羽也而林邑吐谷隋猶多徼外之州河北陝西
宋猶多化外之州松茂敘瀘唐猶多羈縻之州京口歷陽
晉猶多僑置之州武都陰平蜀猶多遙領之州其增損離
合既縱橫之難齊亦廣狹而無定欲總歷代之始末而具
載之竟有難得其詳者唐之元和郡縣志起京兆府盡隴
右道凡四十七鎮而元和八年以後惟置宥州一條他無
所及王象之輿地紀勝二百卷所載祇南宋疆域並非汴
京一統之舊卽寰宇記亦成于太平興國尙無十五路之
分而雲涿幽朔未入版圖惟常熟顧處士祖禹著方輿紀
要自上古迄有明建置沿革詳贍分明卽僑置羈縻以及

省廢等州縣亦俱考覈時代魏冰叔以爲天下不可無之書洵哉然卷帙浩繁考釋頗略且係前代形勢與今尙有不合者是編循其舊文而增減之另爲編次首列漢唐宋明等于上者所以表一統之疆域也次列南北朝五季等于下者所以表偏安割據之疆域也而黜魏帝蜀所以表蜀之承統實繼兩漢之正亦猶夫東晉南宋也至補秦漢之郡國而釋以今縣晉唐宋之州縣而考其原名又以表建置之所自沿革之不一也然變遷無常考證多疎今所記大較參差其詳難舉沈約所謂千回百折巧歷莫算尋校推求未易精悉者也仍存考以俟博學之君子云

歷代疆域總略

原夫天分九野地畫九域此天地自然之疆理也聖人出仰觀天文俯察地理畫野分州黃帝得百里之區萬國顓頊分爲九州曰冀曰兗曰青曰徐曰揚曰荆曰豫曰梁曰雍洪水泛濫天下分絕堯使舜攝肇爲十二州然亦以冀之廣分爲幽并青之廣析爲營耳禹平水土仍爲九州塗山之會執玉帛者尙云萬國而四百年間遞相兼并逮商受命其能存者纔三千餘國亦爲九州分統天下及周克商改禹之徐梁二州合于雍青分冀州地以爲幽并載職方氏仍曰九州而其國僅千八百焉東遷以後迄獲麟之末諸侯更相吞滅百有餘國而會盟征伐見于春秋章章可紀者約止十四君陵夷至戰國天下分而爲七曰秦曰韓曰魏曰趙曰燕曰齊曰楚始皇并天下罷侯置守分天下爲三十六郡

三川 河東 上黨 壺關 太原 代郡 鴈門

雲中 九原 上郡 北地 隴西 潁川 南陽 碭郡 邯鄲 上
谷 鉅鹿 右北平 遼西 遼東 東郡 齊郡 薛郡 琅琊 泗
水 漢中 巴郡 蜀郡 九江 鄣
郡 會稽 南郡 長沙 黔中 又平百越置閩中南海桂林象郡

郡凡四十始皇沒山東之衆起而亡秦項羽分諸將王楚者四王趙者二
齊者三燕者四魏者二二韓三秦并漢中共一十八王及漢平天下爲一
統先矯秦弊爲封建後仍增置郡國武帝攘匈奴開南越及西南夷又通

西域開朝鮮于是南置交趾北置朔方分天下爲十三州司隸 豫州 兗州

徐州 青州 荊州 揚州 益 各置刺史而不常所治光武中興郡國
州 涼州 并州 幽州 交州

蕭條并省者八城陽 淄川 高密 六安 眞定而增置永昌任城吳郡濟北
泗水 廣平 膠東

凡四郡又合屬國比郡者六合之百有五焉東樂浪西敦煌南日南北雁
門四履之盛幾于前漢董卓賊亂關東兵起先主以帝室之子在蜀正位
以承大統而魏據中原吳割江東季漢僅成偏安之勢晉武既平孫氏增

置郡國二十有三省司隸置司州別立梁秦寧平四州仍吳之廣州凡十

九州斯時也割據中原縱橫于河北廣東者凡十六國

前趙 後趙 前秦 後秦 西秦

前涼 後涼 南涼 北涼 西涼

前燕 後燕 北燕 南燕 西燕 成 夏

其亂與晉相終始及晉亡拓

拔氏興而天下遂分爲南北朝南宋齊梁陳北魏與周齊自晉惠帝永興

元年劉淵僭號平陽是爲亂華之始後歷南北朝滋亂共三百四十六年

至隋平陳南北始合于一煬帝廢郡爲州仍置司隸刺史分部巡察後平

吐谷渾更置四郡凡郡百縣千二百五十有五自李密竇建德等十八姓

逞雄割據九字分崩與山東之衆之亡秦者略同唐承隋後置州愈多貞

觀初分天下爲十道曰關內河南河東河北山南隴右淮南江南劔南嶺

南開元二十一年又因十道分山南江南爲東西道增黔中道及京畿都

畿爲十五道各置採訪使檢察非法如漢刺史之職于邊境置節度經略

人

三

明

使郡府二百二十八縣千五百七十有三朱溫篡唐與後唐晉漢周號為

五代皆都汴中原戰爭方未已而江淮蜀楚閩廣之間割據者十國吳南唐

西蜀後蜀南漢北漢復星羅碁布其中亂何極也宋興而天下一

治太宗分天下為十五路仁宗析為十八路神宗元豐頒九域志總二十

三路曰京東東西曰京南南北曰河北東西曰河東曰陝西二路曰兩浙

二路曰淮南東西曰江南東西曰荆湖南北曰成都等四路曰福建曰廣

南東西然契丹未靜夏孽方張紹興二十一年金人自淮水中流定界宋

截長補短僅十六路浙西浙東江東江西淮東淮西湖北

廣東廣西凡府州軍監一百九十縣七百有三元滅金滅夏遂滅宋而一天下

立中書省一以統腹裏諸路河北山東山西地謂之腹裏領太寧等路甘

外立行中書省十一嶺北遼陽河南陝西四川甘肅雲南江浙江西湖廣征東以分鎮藩

服其地西北雖過于前而東南島夷尙未盡附至有明改故行中書省爲布政司十三分領天下之府州縣而都司衛所錯置于其間以爲防禦東西萬一千七百五十里南北一萬九百里我

皇清誕膺天統一華夷幅員之廣曾有莫知其所至者東不盡遼左西不盡流沙南越海而南而又南于海北極漠北而又北于漠八荒四極靡不來庭而一統之盛冠乎古今者垂之萬世有足徵云

歷代疆域表上卷

偃師段長基編輯

男摺書叅註

孫鼎鈞校梓

目錄

盤古至唐虞

夏

商

周

秦

目録
西漢

新出銅器

新出銅器

五帝國都地理圖

五帝國都地理圖



黃帝都涿鹿顓頊都帝邱高辛都亳堯都平陽舜都蒲坂皆在河東
是時方有九州河東河北一也其初水患既平禹別天下爲九州後
以青冀地方太濶又析青爲營柝冀爲幽并凡十有二州